





TV, 101 .

2,15.





15  
FESTIVITAS NUPTIALIS  
VIRI  
NOBILISSIMI, CONSULTISSIMI, EXCELLENTISSIMI  
DN. VVILHELMI LYSERI,

JGti & Antecessoris Wittenbergensis Celeberrimi  
Curiae Electoralis, Scabinatus, Facult. Jurid.  
Assessoris Gravissimi,

&  
NOBILISSIMÆ FLORENTISSIMÆ; VIRGINIS  
REGINÆ,

VIRI  
MAXIME REVERENDI, MAGNIFICI, EXCELLENTISSIMI  
DN. ABRAHAMICALOVII,  
THEOLOGI de UNIVERSA, ECCLESIA CHRISTI MERITISSIMI, PROF.  
PRIMARI, CONSISTORII ECCLES. ASSESSORIS, ECCLESIAE WIT-  
TEBERGENSIS PASTORIS, ET ELECTORATUS SAXONICI SUPER-  
INTENDENTIS GENERALIS EMINENTISSIMI,

FILIAE,

D. 3. Mart. Anno 1663.

CELEBRATA

VOTIS

FAUTORUM AMICORUM, & CULTORUM

WITTEBERGÆ

Typis JOHANNIS BORCKARDI.





**L**yserus dextras & Virgo Calovin jungunt,  
Eusebie plaudit, gaudet & alma Themis.  
Adnuit ipse Deus, qui Fautor & Autor amoris,  
Lætantur juncti sanguine, Amore, Fide.  
Congrator Tædis, queis nil felicius exstat;  
Namq; favente polo res benè quæq; cadit.  
Mella fluant Sponsis, nec amaror turbet amorem,  
Sed vigeat serà posteritate Domus!

ἰολοψόχως πρεσβ.

JOHANNES ANDREAS QUENSTED D.  
h.t. Acad. Rector.

**I**n plausum lessus transit, mutante Hymenæo  
Scenam: Sponsorum vox querula esse nequit.  
Conscendis thalamum cælo plaudente, LYSERE:  
Sit plausus lessus inscius iste, precor.

JOHANNES MEISNER D.

**C**onjugium felix spaciosi Academia mundi,  
Fundator, Rector, dicitur ipse Deus.  
Sacra Professorum dispensant lege fugati,  
Fungitur officio Femina, Virg, suo.  
Ex hac proveniunt omnes, ceu Matre scholarum,  
Quotquot in officijs totus hic orbis alit.  
Sacra docens Vates, Juris, Medicæq; peritus,  
Ex thalamo veniunt, conjugiq; Scholâ.  
Turbaq; Philosophum, Lingvarum Lumina clara  
Ex agro hoc Sophiæ semina prima trahunt.  
Relligionis opus, Nature æquissima jura,  
Atq; manus medicas Oeconomia docet.  
Hæc Schola prima fuit, Paradisi Academia prima,  
Omnibus ista Scholis semina fausta tulit.

Ex



Ex Domini verbo benedicto *Academia mundi*  
Totius, felix *Conjugium* hocce fuit.

Durat adhuc *Domini benedictio*, facta *Magistris*  
*Primis Conjugij* germina ubiq; facit.

Exemplo nobis *POLYCARPUS* (& *omine talis*)  
*LYSERUS*, terris; germina multa dedit.

Ejus *Conjugium felix Academia Mundi*,  
Omnibus hoc statibus germina pulchra tulit.

*Doctores Natos, Cognatos, sanguine junctos,*  
*Et vinclis thalami, quis numerare potest?*

*NOSTER Avi Magni* quærit vestigia clara  
*LYSERUS*, tentans mystica jura *thori*.

Nos tenui calamo *FELICITER* acclamamus,  
Pectore conferimus nunc pia vota *thoro!*

*Hoc sit Conjugium felix Academia cæli,*  
*Delicium vestrum sint sacra verba Dei!*

*Hoc sit Conjugium felix Academia Mundi,*  
*Ex vobis surgant germina multa Solo!*

*Hoc sit Conjugium felix Academia vitæ,*  
*Floreat in vestro vita beata thoro!*

*Hoc sit Conjugium felix Academia sortis,*  
*Fortune faveant astra serena thoro!*

*Hoc sit Conjugium felix Academia Mortis,*  
*Vivere discatis, serò ut & usq; mori!*

*Nobilissimis Dnm. SPONSIS Affinibus*  
*honoratissimis & amicissimis, óλο-*

*ψύχας prospera quævis precab.*

*JOHANNES Deutschmann D.*

**N**atura certamen erat, *Sortisq; benignum:*  
*ecquæ LEISERO plura dedisset opum?*

*Ingenii dotes, & docti roboris artes*

*illa; facultates Altera jactat opum:*

*His accessit Hymen, & dextera nostra beabit*

*LEISERV M; term dona jugemus, ait:*

A 2.

CALO.



CALOVIAM stabili REGINAM fœdere jungo

LEISERO. Vivant! clamat utrinq; Chorus.

JOACHIMUS Nerger

D. & Prof. Publ.

**L**YSERO Conjunx CALOVIA jungitur: adsunt  
& castum exornant publica Vota torum.

Vota quibus SPONSIS amor & concordia, & omnis

A summo oratur Numine prosperitas.

Annuit hoc, Votisq; dedit satiabile pondus.

Auguror hinc fausti fœdera firma tori.

*M. Lq; scrib.*

ANDREAS SENNERTUS, P.P.

*h.t. Decanus.*

**C**onjugium felix, nostræ pars optima vitæ,

His modò contingit, qui pia corda gerunt.

Auguror inde novi socialis, gaudia multa

Fœderis, ex alto quod Deus ipse dabit!

*Boni omnis ergo*

*appos.*

CHRISTOPHORUS Nottnagel / P.P.

**R**eginam ducis pulcrani, *Lysere*, puellam,

Grande puellarum Leucoreumque decus.

Dives agris, dives positus in fœnore nummis,

Et studiosa domus & studiosa Dei est.

Hæc benè conveniunt, & in una sede morantur,

Atque ruam possunt condecorare domum.

Diceris ergò mihi felix vereque beatus;

Sedibus athereis tanta puella venit.

MICHAEL WENDELERUS

D. & P. P.

**E**ST ita: Sacra tori junguntur fœdera fæto,

Ut castis casti generentur & inde nepotum

Exsurgant cætus in posteritate perennes.

Exin Sponse meres magnæ præconia laudis,

Dum



Dum parère studeas fatis cœlestibus, atq;  
Conjugii exopta, sectari gaudia sacri.  
Comprecor, efficiat Deus uno in Numine Trinus,  
Conjugis auxilio feliciter omnia cedant.

*CHRISTIANUS TRENTSCHIIUS, P.P.*

**R**EGINÆ postquam tribuerunt omnia dona,  
Quę præstare valent, Inno Minerva Venus:  
Pulchra Venus formam, ingenium capitale Minerva  
Docta, pares mores regia Juno suis;  
Jam dignum quærunt tantâ virtute maritum  
LISERUMq; simul Numina rerum petunt.  
Felix LISERUS, cui formavere puellam  
Divæ nutrices, Juno, Minerva, Venus.  
Divitias porrò præstabit Juno, Minerva  
Pignora, perpetuo fœdus amore Venus

*ÆGIDIUS STRAUCH, S.S. Theol. Doctor, & P.P.*

**S**Cribaris Vario, Lectissima, Sponsa, Marone  
Sponse; mihi doctum carmen Apollo negat  
Vota feram pro dilectione pia carmine, Vestrum  
Pronubus ille beet prosperitate thorum!

*deproperab.*

*M. JOHANNES SIMON. Facult. Phil.  
Adj. & Sch. Opp. ConR.*

*Ad Nobilissimum Par*

*Cælitus Desponsatum.*

**I**Nsignes animæ, quas læto fœdere junxit  
Illibata fides, & amici gratia cœli.  
Excellens virtute tuâ, nec sanguinis ortu  
Degener, & Pro avum nulli splendore secunde,  
SPONSE, cui justis formas Themis indidit, æqui  
Custos, Affinis, Mæcenas. Tuque CALOVI  
Sanguine lata, tuis splendens virtutibus inter  
Virgineos cætus, quantum Regina minores  
Excedit socias; quantum viburna cupressus,

A 3.

Si



Si, quaecunq; beant thalamum, bene colligo, vestrum  
Conjurata torum circumdant singula: tanto  
Conspirant utrinq; gradu, seu munera mentis,  
Corporis, aut sortis, vel famæ, divite cornu  
Interfusa alijs, spectem. Sic terrea cæli  
Præmia destituunt rarò pietatis amores.  
Hunc si continet Numen, quem quisq;, favorem  
Gratatur, propriumq; cupit, pia pectora, vobis  
Mecum: Conjugium ter felix terq; beatum  
Hoc cluit, & colitis plaudente, hæc fœdera, Cælo.  
Transit hyems: luctus. Noctes majoribus horæ  
Extendunt spacijs: Majoribus incrementis  
Gaudia succrescunt, post nubila tanta, CALOVI  
Non ita, quam torus hic, nunc ridet amoribus annus  
Nec sic vernat ager; thalami quam limina vernant,  
Vivite felices, & tanta sorte beati  
Crescite in invidiam Fati, differte Senectam  
Serius, & longos per durent oscula in'annos.

*Prolixiori affectu quam  
ultimo scrib.*

M. HEINRICUS Baumann  
Fac. Phil. Adj.

*In amabilissimam unionem*

Eusebiæ atq; Astreæ,  
in Nuptijs Lysero - Calovianis

Jungitur Eusebies Themidi feliciter almæ  
In vestro thalamo; | **CORDA** Ligata fide  
Jungatur vobis clementer dextra salutis  
Omnigenæ, Vobis unio grata feret.

*festanda observantia ergo*

M. Sim. Frider. Frenzelius  
Facult. Phil. Adj.

**E**cce maritali jungit sibi jure LYSERUS  
CALOVIAM magni spemq; Decusq; Patris.  
Talia dum video: repeto mox talia mecum.  
Jam THEMIS EUSEBIE jungitur ipsa suæ.

Quæ



Quæ porrò quondam proles sperabitur inde,  
Jura soli; colet, jura Poli; colet.

*Connubium auspiciatissimum*

*Excellentissimis Neonymphis precatuſ*

*Iſt hæc adponere debui*

M. Michael Liebentanz,

Fac. Phil. Adj.

**M**agno Parente Nate major, inclyte  
LYSSERIANI ſeminator nominis,  
Illuſtre docti Saxonum ſidus chori;  
Et Tu profundâ, Nata, doctrinâ PATRE  
Incomparabili, Dei; præſule;  
Cætuſq; noſtri vindice dexterrimo,  
Regina virginum, Veneris almæ decus:  
Credo, benignis ſeptimam radiis domum,  
Natalis olim quum coruſcaret dies  
Uterq; conſpexiſſe, quicquid ſiderum  
Per nota vaſti ſpatia decurrit poli;  
Novoq; conjuraſſe cœloſ foedere,  
Ne vel LYSERUS conjugem aliam duceret;  
Aliiq; VIRGO DIA nuberet viro.  
Nec Ille ſecti voluit antè callidus,  
Nec Illa amare, perpetim intractabilis.  
Salve MARITE, digne tanta CONJUGE!  
REGINA CONJUX, digna per amabili  
Salve MARITO! Utrumq; veſtrum ut ſvaviter  
Conſentit aſtrum; ſic, quod apprecor, toro  
Lucina cuſtoſ grata nunquam deerit.

*gratul. ſcribeb.*

M. MICHAEL WALTHERUS,

Fac. Phil. Adj.

Pientiſſimo Pari.

**S**ic pia Virtuti Virtus conjungitur aptè,  
Præmia ſic Pietas digna referre ſolet  
Gratulor ex animo junctis hoc foedere ſancto,  
Quæ bona Voſ cupitis, cor calamusq; vover.

Vivi-



*Vivite concordēs, felices vivite semper!*

Vestra sit ipse DEUS spesq; salusq; precor,

*Gratulab. deproperat.*

M. GEORGIUS WAGNERUS,

Fac. Phil. Adj.

**G**Audia quæ cœlum, quæ blandi júbila soles  
Promunt, dum pulsò frigore cessat hyems!

Scilicet ipsa Parens rerum gratissima profert

Tempora, queis juvenis gaudet & ipse senex.

Instat enim rursus multò suavissimus annus,

Et natura novat dulcis amoris opus.

Quid vestræ mentes aliud, PAR NOBILE, spirant?

Quippe è sincero pectore surgit amor.

Hic proprias dudum fixit Concordia sedes;

Hic Themis, hic Virtus, Eusebieq; manent.

Quamvis facundo fruerer Demosthenis ore,

Et mihi Nasonis vena benigna foret:

Non tamen hæc possem dignâ celebrare Camœnâ

Omnia, quæ video, summa videre licet.

Hæc canant alij; Nobis antequàm vota

Sunt curæ; SPONSOS vota precesq; juvent!

CHRISTE Gamarcha fave lecto tectoq; jugali:

ET SPONSO & SPONSÆ CHRISTE Gamarcha fave.

Hæc est perpetuò votorum summa meorum;

Sint rata, quæ SPONSIS sunt data vota NOVIS.

M. GEORGIUS CHRISTOPHORUS SYLVIUS.

**D**ist da die Winterszeit / sich fast begint zuenden /  
Da sich der Frühling will nun wieder zu uns wenden:

Da bind dich Edles paar / das keusche Liebes-Band

Da werdet ihr vergnügt / mit einem neuen Standt.

Gott segne dieses Werck / Gott gebe heylles Segen!

Gesegnet müßt Ihr seyn auf allen Euren Wegen!

Gesegnet hier und dort / bis ihr ô Edles Paar

Den Himmel gehet ein / zur Auserwehlten Schaar.

Wünschet mit erfreulichen Herzen

Johannes Lange / Lipsiensis.



Ed 198

ULB Halle 3  
002 040 255



Sb

UD 17

mit









FESTI  
NOBILISSIMI, CONS  
DN. VVILH  
JGti & Antecessori  
Curia Electorali  
Assel

NOBILISSIMÆ FL  
RE

MAXIME REVERENDI  
DN. ABRAH  
THEOLOGI de UNIVERSA, E  
PRIMARI, CONSISTORII E  
TEBERGENSIS PASTORIS,  
INTENDENTIS GI

FAUTORUM AM

Typis JOH



15

MI  
I,

ROF.  
VIT-  
PER-

